

პერსონალურ მონაცემთა დამუშავების პოლიტიკა

(პროფესიული სტუდენტების, მსმენელების, კურსდამთავრებულების, ვიზიტორების და დარგის მოწვეული წევრებისათვის)

ზოგადი ინფორმაცია მონაცემთა დამუშავების პოლიტიკის შესახებ

შპს „მარნეულის კოლეჯი“-ს (ს/კ 234158498), ელ-ფოსტა: marneulicollege@gmail.com (შემდგომ - კოლეჯი) პერსონალურ მონაცემთა დამუშავების პოლიტიკის (შემდგომ - პოლიტიკა) მიზანია, ხელი შეუწყოს კოლეჯის მიერ თქვენთვის მოწოდებული საგანმანათლებლო მომსახურების ფარგლებში თქვენი პერსონალური მონაცემების (შემდგომ - მონაცემები) დამუშავების გამჭვირვალობას. კოლეჯი პატივს სცემს და იცავს ადამიანის ძირითად უფლებებსა და თავისუფლებებს, უზრუნველყოფს „პერსონალურ მონაცემთა დამუშავების შესახებ“ საქართველოს კანონით გათვალისწინებული პრინციპებისა და მონაცემთა სუბიექტის უფლებების დაცვას.

კოლეჯი თქვენს მონაცემებს ამუშავებს „პერსონალურ მონაცემთა დაცვის შესახებ“ საქართველოს კანონის შესაბამისად, კონკრეტული, მკაფიოდ განსაზღვრული მიზნებითა და ამავე კანონით განსაზღვრული საფუძვლებით. ამასთან, კოლეჯი ამუშავებს მხოლოდ იმ მონაცემებს, რაც აუცილებელია კოლეჯის კანონიერი მიზნების მისაღწევად.

თქვენი მონაცემების დამუშავებისას, დაცულია „პერსონალურ მონაცემთა დაცვის შესახებ“ საქართველოს კანონით განსაზღვრული მონაცემთა დამუშავების ყველა პრინციპი. ჩვენ მაქსიმალურად ვიცავთ თქვენს მონაცემებს და ამისათვის დანერგილი გვაქვს სათანადო ორგანიზაციული და ტექნიკური უსაფრთხოების ზომები.

პოლიტიკაში გამოყენებულ ტერმინებს აქვთ „პერსონალურ მონაცემთა დაცვის შესახებ“ საქართველოს კანონით განსაზღვრული მნიშვნელობა.

რა სახის მონაცემებს ვამუშავებთ, როგორ და რა მიზნით

ჩვენ ვამუშავებთ მხოლოდ იმ მონაცემებს, რასაც თქვენ გვაწვდით ნებაყოფლობით, სათანადო ინფორმაციის მიღების შემდეგ ან რომელთა დამუშავებაც გათვალისწინებულია საქართველოს კანონმდებლობით ან/და სავალდებულოა კოლეჯისათვის კანონმდებლობით დაკისრებული მოვალეობის შესასრულებლად ან/და კოლეჯის მნიშვნელოვანი ლეგიტიმური ინტერესების დასაცავად, თქვენთან დადებული გარიგებით ნაკისრი ვალდებულების შესასრულებლად ან თქვენი მოთხოვნით გარიგების დასადებად. ასევე, თქვენს განსაკუთრებული კატეგორიის მონაცემებს ვამუშავებთ მხოლოდ შეზღუდული შესაძლებლობის მქონე პირთა და სპეციალური საგანმანათლებლო საჭიროების მქონე პირთა განათლების უფლების განხორციელების მიზნით.

1. საგანმანათლებლო პროცესი

თქვენთვის საგანმანათლებლო მომსახურების გაწევის მიზნით, ჩვენს მიერ მუშავდება თქვენი შემდეგი მონაცემები:

1.1 კოლეჯის პროფესიულ საგანმანათლებლო პროგრამზე/პროფესიული მომზადება-გადამზადების პროგრამაზე ჩარიცხვის ეტაპზე, კოლეჯის მიერ მუშავდება:

- თქვენი სახელი, გვარი, პირადობის მოწმობაში არსებული ინფორმაცია, წინმსწრები განათლების დადასტურებულ დოკუმენტ(ებ)ში არსებული ინფორმაცია;
- საკონტაქტო ინფორმაცია (ტელეფონი, ელ-ფოსტა), ალტერნატიული საკონტაქტო ინფორმაცია (ტელეფონი, ელ-ფოსტა)¹;
- სამხედრო აღრიცხვაზე ყოფნის დამადასტურებელ დოკუმენტში არსებული ინფორმაცია;²
- არჩეული საგანმანათლებლო პროგრამა;
- სამუშაო ადგილიდან ცნობაში არსებული ინფორმაცია³;
- უცხოეთში მიღებული განათლების აღიარების დამადასტურებელ დოკუმენტში არსებული ინფორმაცია⁴;
- გავლილი მოდულების შესახებ ცნობაში მითითებული ინფორმაცია⁵;
- კანონიერი წარმომადგენლის სახელი, გვარი, პირადობის მოწმობაში არსებული მონაცემები, დაბადების მოწმობა/მინდობილი პირის სტატუსის დამადასტურებელი დოკუმენტში არსებული ინფორმაცია⁶;
- თქვენი/თქვენი კანონიერი წარმომადგენლის ხელმოწერა;
- მულტიდისციპლინარული გუნდის შეფასების ფორმაში არსებული ინფორმაცია (სსმ პირის სტატუსის ფლობის დადასტურებისათვის) (არსებობის შემთხვევაში);
- თქვენი შეფასების ინსტრუმენტი და შეფასება⁷;
- საქართველოს კანონმდებლობით⁸ დადგენილი სხვა ინფორმაცია.

1.2 კოლეჯის პროფესიულ საგანმანათლებლო პროგრამზე/პროფესიული მომზადება-გადამზადების პროგრამაზე პროფესიული სტუდენტის/მსმენელის სტატუსის შეჩერება/შეწყვეტის/აღდგენის ეტაპზე, კოლეჯის მიერ მუშავდება - პროფესიული სტუდენტის/მსმენელის სახელი, გვარი, პირადი ნომერი, პროგრამა, სტატუსის შეჩერება/შეწყვეტის/აღდგენის მიმართ კანონმდებლობით/კოლეჯის წესდებით განსაზღვრული საფუძველი.

¹ მუშავდება კოლეჯის მნიშვნელოვანი ლეგიტიმური ინტერესის საფუძველით არასრულწლოვან კანდიდატებთან მიმართებით.

² 17-27 წლის მამრობითი სქესის პირებისათვის.

³ პროფესიული მომზადება/გადამზადების პროგრამაზე ჩარიცხვის შემთხვევაში, თუ აღნიშნული მოთხოვნილია პროფესიული მომზადება/გადამზადების პროგრამის წინაპირობით.

⁴ წინმსწრები განათლების/მოხილობის შემთხვევაში გავლილი კრედიტების საქართველოს ფარგლებს გარეთ მიღების/მოპოვების შემთხვევაში.

⁵ მოხილობის წესით კოლეჯში ჩარიცხვის შემთხვევაში.

⁶ არასრულწლოვანი პირის შემთხვევაში.

⁷ მე-3 დონის პროფესიული საგანმანათლებლო პროგრამებზე ჩარიცხვის შემთხვევაში.

⁸ „პროფესიული განათლების მართვის საინფორმაციო სისტემის შექმნისა და ადმინისტრირების წესისა და პირობების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2021 წლის 17 თებერვალის #11/ნ ბრძანება, „პროფესიულ საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2021 წლის 2 ივლისის #42/ნ ბრძანება.

1.3 კოლეჯის ბაზაზე განხორციელებული სასწავლო პროცესის ფარგლებში - პროფესიული სტუდენტი/მსმენელის სახელი, გვარი, პირადი ნომერი, ხელმოწერა, პროგრამის/მოდულის/თემატიკის/სწავლის შედეგის სახელწოდება, ჯგუფის ნომერი, შეფასება (განმავითარებელი და განმსაზღვრელი), შეფასების მტკიცებულება (ნამუშევარი).

1.4 კოლეჯის მიერ შეთავაზებული საწარმოო პრაქტიკის ფარგლებში - პროფესიული სტუდენტი/მსმენელის სახელი, გვარი, პირადი ნომერი, ხელმოწერა, პროგრამის/მოდულის სახელწოდება, შეფასება (განმავითარებელი და განმსაზღვრელი), შეფასების მტკიცებულება (ნამუშევარი).

1.5 პროგრამის დასრულების შემდგომ, თქვენთვის დიპლომების და სერტიფიკატების, დანართების მომზადება, რეგისტრაცია/გაცემის ეტაპზე - პროფესიული სტუდენტის/მსმენელის სახელი გვარი, პროგრამის დასახელება, კომისიის ოქმის ნომერი/ბრძანების ნომერი, თარიღი, დიპლომის/სერტიფიკატის ნომერი, მინიჭებული კვალიფიკაცია/დასრულებული პროგრამის სახელწოდება, დიპლომის/სერტიფიკატის შევსების თარიღი, გატანაზე პასუხისმგებელი პირის პირადი ნომერი, ხელმოწერა, საქართველოს კანონმდებლობით განსაზღვრული სხვა მონაცემები.⁹

ზემოაღნიშნულ ეტაპებზე თქვენი მონაცემების დამუშავება სავალდებულოა. სხვა შემთხვევებში, კოლეჯი ვერ უზრუნველყოფს კანონმდებლობით დადგენილი წესით გაგიწივთ საგანმანათლებლო მომსახურება.

არასრულწოვანი კანდიდატის ჩარიცხვის პროცესში ალტერნატიული საკონტაქტო ინფორმაციის (ტელეფონი, ელ-ფოსტა) დამუშავების საფუძველია კოლეჯის მნიშვნელოვანი ლეგიტიმური ინტერესი, რათა გადაუდებელი აუცილებლობის შემთხვევაში, ჰქონდეს თქვენთან დაკავშირების ალტერნატიული არხი. ამასთან, აღნიშნული ინფორმაციის მიწოდების ეტაპზე თქვენ ირჩევთ ვისი საკონტაქტო ინფორმაცია მიაწოდოთ კოლეჯს.

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

1.1 ელექტრონული სისტემების გამოყენებით თქვენი მონაცემების დამუშავება

კოლეჯის მიერ თქვენთვის მოწოდებული მომსახურების პროცესში, თქვენი მონაცემები ასევე შეიძლება დამუშავდეს კოლეჯის მართლზომიერ მფლობელობაში არსებული ელექტრონული სისტემებით კოლეჯისათვის კანონმდებლობით დაკისრებული მოვალეობის შესასრულების ან/და კოლეჯის მნიშვნელოვანი ლეგიტიმური ინტერესების დაცვის მიზნებით:

⁹ „პროფესიული განათლების დამადასტურებელი სახელმწიფო დოკუმენტის და მისი დანართის ფორმების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2019 წლის 29 მაისის №99/ნ ბრძანება.

- პროფესიული საგანმანათლებლო პროგრამების Microsoft Team-ის საშუალებით დისტანციურად განხორციელების ფარგლებში - თქვენი სახელი, გვარი, გამოსახულება, ხმა, ელ-ფოსტა, სასწავლო პროცესის დროს სტუდენტის მიერ დაფიქსირებული ინფორმაცია. პლატფორმის საშუალებით განხორციელებული სასწავლო პროცესი, კოლეჯისათვის კანონმდებლობით დაკისრებული ვალდებულების შესრულებისა და კოლეჯის მნიშვნელოვანი ლეგიტიმური ინტერესის დასაცავად იწერება და შესაბამის პლატფორმაზე ინახება 14 დღის განმავლობაში. პროფესიული სტუდენტი უფლებამოსილია, გამოიყენოს პლატფორმაზე შენახული ჩანაწერი (მათ შორის სხვა პროფესიული სტუდენტების და პროფესიული განათლების მასწავლებლის მონაცემების ამსახველი ჩანაწერი) მხოლოდ სასწავლო მიზნებისათვის. ამასთან, აღნიშნული ჩანაწერი, ასევე ხელმისაწვდომია სასწავლო პროცესის სხვა მონაწილე პირებისთვის (პროფესიული განათლების მასწავლებელი, სხვა პროფესიული სტუდენტები) ამავე ვადით, რათა უზრუნველყოფილ იქნეს საგანმანათლებლო პროცესის ჯეროვანი განხორციელება. აღნიშნულ პირებს შესაძლებლობა აქვთ ჩამოტვირთონ ჩანაწერი (პროფესიულ სტუდენტებს - სასწავლო მიზნებისათვის, პროფესიული განათლების მასწავლებელს - თვითშეფასებისა და პროფესიული განვითარების მიზნებისათვის).
- ელექტრონული დოკუმენტბრუნვის სისტემა (e-flow)/კოლეჯის ინსტიტუციური ელ-ფოსტა (marneulicollege@gmail.com) – სახელი, გვარი, პირადი ნომერი, ხელმოწერა (არსებობის შემთხვევაში), მონაცემთა სუბიექტის მიერ კორესპონდენციაში მითითებული ინფორმაცია.
- შეფასების ელექტრონული სისტემა - თქვენი სახელი, გვარი, სისტემაში შესვლისა და გასვლის დრო და განხორციელებული მოქმედებები.

ზემოაღნიშნულ ეტაპებზე (გარდა თქვენი თანხმობით მონაცემების მიწოდების ნაწილისა) თქვენი მონაცემების დამუშავება სავალდებულოა. სხვა შემთხვევაში, კოლეჯი ვერ უზრუნველყოფს კანონმდებლობით დადგენილი წესით გაგიწიით საგანმანათლებლო მომსახურება/დააკმაყოფილოს კოლეჯისათვის კანონმდებლობით დაკისრებული მოვალეობა.

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

2 საკუთრებისა და უსაფრთხოების მიზნებით მონაცემების დამუშავება

ვიდეომეთვალყურეობა

თქვენი უსაფრთხოებისა და საკუთრების დაცვის, კოლეჯისათვის კანონმდებლობით დაკისრებული მოვალეობის შესრულებისათვის,¹⁰ ასევე კოლეჯის სხვა ლეგიტიმური ინტერესის სფეროსთვის მიკუთვნებული ამოცანების შესრულებისათვის, რომელთა

¹⁰ „ავტომატური ფოტო და ვიდეოტექნიკის ტექნიკური მახასიათებლებისა და მათი ექსპლუატაციის წესის, აგრეთვე იმ შენობა-ნაგებობათა ჩამონათვალის დამტკიცების შესახებ, რომელთა გარე პერიმეტრზე სავალდებულოა ავტომატური ფოტო ან/და ვიდეოტექნიკის განთავსება/დამონტაჟება“ საქართველოს მთავრობის 2022 წლის 2 მარტის №101 დადგენილება, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 01 ოქტომბრის №99/ნ ბრძანება.

მიღწევა სხვა ალტერნატიული საშუალებებით ვერ განხორციელდება ან/და იგი კოლეჯისაგან მოითხოვს არაპროპორციულ ხარჯებს/ძალისხმევას, კოლეჯის ტერიტორიაზე (შიდა და გარე პერიმეტრზე) მიმდინარეობს ვიდეომეთვალყურეობა.

ვიდეომონიტორინგის შესახებ კოლეჯი უზრუნველყოფს თქვენს წინასწარ ინფორმირებას კანონმდებლობით დადგენილი წესით განთავსებული გამაფრთხილებელი ნიშნის მეშვეობით.

ვიდეომონიტორინგის განხორციელების პროცესში მონაცემების დამუშავების წესისა და მონაცემების შენახვის შესახებ დეტალური ინფორმაციის მისაღებად შეგიძლიათ მიმართოთ კოლეჯის პერსონალურ მონაცემთა დაცვის ოფიცერს.

ზემოაღნიშნულ ეტაპებზე თქვენი მონაცემების დამუშავება სავალდებულოა. სხვა შემთხვევებში, კოლეჯი ვერ უზრუნველყოფს შეასრულოს კოლეჯისათვის კანონმდებლობით დაკისრებული მოვალეობა.

ზემოაღნიშნულ პროცესში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

3 მარკეტინგული მიზნებით მონაცემების დამუშავება

კოლეჯის საქმიანობის პოპულარიზაციისა ან/და კოლეჯის საქმიანობის შესახებ საზოგადოების ინფორმირების მიზნით, კოლეჯის ვებ/გვერდზე/სოციალურ ქსელში/საიმიჯო მასალებზე თქვენი თანხმობის საფუძველზე, თქვენი პერსონალური მონაცემების განთავსების ეტაპზე - თქვენი სახელი, გვარი, ფოტო, ვიდეო, სტატუსი, სამუშაო ადგილი (კურსდამთავრებულის შემთხვევაში), ინფორმაცია თქვენი მიღწევების შესახებ.

ზემოაღნიშნულ ეტაპებზე თქვენი მონაცემების დამუშავება ნებაყოფლობითია და ხორციელდება თქვენი თანხმობის საფუძველზე. თქვენ უფლება გაქვთ, გაცემული თანხმობა ნებისმიერ დროს გამოითხოვოთ (მათ შორის ნაწილობრივ) კოლეჯისათვის ზეპირი ან წერილობითი (მათ შორის ელექტრონული) ფორმით მიმართვის გზით, შემდეგი საკომუნიკაციო არხების გამოყენებით:

ელ. ფოსტა: info.marneulicollege@gmail.com

ტელეფონის ნომერი: 595 302390

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

4. ხარისხის უზრუნველყოფის მიზნებით მონაცემების დამუშავება

კოლეჯისათვის კანონმდებლობით დაკისრებული მოვალეობის შესრულებისათვის,¹¹ ასევე კოლეჯის მნიშვნელოვანი ლეგიტიმური ინტერესის დასაცავად, ხარისხის შიდა და გარე უზრუნველყოფის პროცესში, მუშავდება თქვენი პერსონალური მონაცემები. მათ შორის:

- 1.1 კოლეჯში დანერგილი პროფესიული სტუდენტის შეფასების სისტემის ვერიფიკაციის პროცესში, შემთხვევითი შერჩევის პრინციპით, შესაძლოა დამუშავდეს - პროფესიული სტუდენტის სახელი, გვარი, პროგრამა, მიმართულება, პროფესიული სტუდენტის შეფასების ინსტუმენტი, პროფესიული სტუდენტის შეფასება, ხელმოწერა.
- 1.2 საწარმოო პრაქტიკის ობიექტის წარმომადგენელთან (ინსტრუქტორთან) უკუკავშირის პროცესში - პროფესიული სტუდენტის/მსმენელის სახელი, გვარი, პრაქტიკის კომპონენტის განხორციელების შეფასება.
- 1.3 კურსდამთავრებულთა კვლევის პროცესში, თქვენი თანხმობის საფუძველზე შეასძლებელია დამუშავდეს თქვენი ტელეფონის ნომერი, ელ-ფოსტა, სახელი, გვარი, კურსდამთავრებულის მიერ კოლეჯის პროგრამის შეფასება და გამოკითხვის პროცესში ნებაყოფლობით დაფიქსირებული სხვა მონაცემი, სამუშაო ადგილი/თვითდასაქმების /სტაჟირების ადგილი, დასაქმების ხანგრძლივობა, სამუშაო ადგილით კმაყოფილება, ინფორმაცია დაუსაქმებლობის მიზეზების შესახებ.
- 1.4 გარე ხარისხის უზრუნველყოფის პროცესში, პროფესიული საგანმანათლებლო დაწესებულების ავტორიზაციის სტანდარტებით/პროფესიული მომზადება-გადაზმადების პროგრამის მიმართ განსაზღვრული სტანდარტებით დადგენილი მოთხოვნების დადასტურებისათვის, მტკიცებულებების შეგროვების ნაწილში (მათ შორის თქვენი მონაცემების შემცველი „ქრინების“ /ფოტოების გადაღება) - ნებისმიერი მონაცემი, რომლის წარდგენის გარეშე, კოლეჯი ვერ უზრუნველყოფს სტანდარტებით განსაზღვრული მოთხოვნების დადასტურებას.

ამასთან ამ პროცესში, მონაცემთა მინიმიზაციის პრინციპის დაცვის მიზნებისათვის, მესამე პირებს თქვენი პერსონალური მონაცემები გადაეცემათ მხოლოდ უკიდურესი აუცილებლობის შემთხვევაში, როცა გარე ხარისხის უზრუნველყოფა/სტანდარტებით განსაზღვრული მოთხოვნების დადასტურება განუხორციელებელი/დეპერსონიფიცირებული მონაცემებით ვერ მიიღწევა.

ზემოაღნიშნულ ეტაპებზე თქვენი მონაცემების დამუშავება სავალდებულოა (გარდა კურსდამთავრებული კვლევის ნაწილისა). სხვა შემთხვევებში, კოლეჯი ვერ უზრუნველყოფს კანონმდებლობით დადგენილი წესით გაგიწილ საგანმანათლებლო მომსახურება/დააკმაყოფილოს კოლეჯისათვის კანონმდებლობით დაკისრებული მოვალეობა.

¹¹ „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 01 ოქტომბრის №99/ნ ბრძანება, „პროფესიული მომზადების პროგრამისა და პროფესიული გადაზმადების პროგრამის განხორციელების უფლების მოპოვებისა და სახელმწიფოს მიერ აღიარებულად ჩათვლის წესისა და პირობების დამტკიცების თაობაზე“ საქართველოს მთავრობის 2019 წლის 15 მარტის #131 დადგენილება.

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

მონაცემთა დამუშავების საფუძვლები

თქვენი მონაცემები მუშავდება „პერსონალურ მონაცემთა დაცვის შესახებ“ საქართველოს კანონით განსაზღვრული შესაბამისი კანონიერი საფუძვლით.

მონაცემთა დამუშავების საფუძვლებია:

№	პროცესი	მონაცემი	მიზანი	საფუძველი
1	პროფესიულ საგანმანათლებლო პროგრამებზე/პროფესიული მომზადება-გადამზადების პროგრამაზე ჩარიცხვის ეტაპი	თქვენი სახელი, გვარი, პირადობის მოწმობაში არსებული ინფორმაცია, წინმსწრები განათლების დამადასტურებელ დოკუმენტ(ებ)ში არსებული ინფორმაცია; საკონტაქტო ინფორმაცია (ტელეფონი, ელ-ფოსტა), ალტერნატიული საკონტაქტო ინფორმაცია (ტელეფონი, ელ-ფოსტა) ¹² ; სამხედრო აღრიცხვაზე ყოფნის დამადასტურებელ დოკუმენტში არსებული ინფორმაცია; ¹³ არჩეული საგანმანათლებლო პროგრამა; სამუშაო ადგილიდან ცნობაში არსებული ინფორმაცია ¹⁴ ; უცხოეთში მიღებული განათლების აღიარების დამადასტურებელ დოკუმენტში არსებული ინფორმაცია ¹⁵ ; გავლილი მოდულების შესახებ ცნობაში მითითებული ინფორმაცია ¹⁶ ; კანონიერი წარმომადგენლის სახელი, გვარი, პირადობის მოწმობაში არსებული მონაცემები, დაბადების მოწმობა/მინდობილი პირის სტატუსის დამადასტურებელი დოკუმენტი; ¹⁷ თქვენი/თქვენი კანონიერი წარმომადგენლის ხელმოწერა; მულტიდისციპლინარული გუნდის შეფასების ფორმაში არსებული ინფორმაცია (სსმ პირის სტატუსის ფლობის დადასტურებისათვის) (არსებობის შემთხვევაში); თქვენი შეფასების ინსტრუმენტი და შეფასება ¹⁸ ; საქართველოს კანონმდებლობით ¹⁹ დადგენილი სხვა ინფორმაცია.	საკანონმდებლო ვალდებულების შესრულება, საგანმანათლებლო მომსახურების გაწევა	მონაცემთა სუბიექტთან დადებული გარიგებით ნაკისრი ვალდებულების შესასრულებლად კოლეჯის მნიშვნელოვანი ლეგიტიმური ინტერესის დასაცავად კოლეჯისათვის კანონმდებლობით დაკისრებული მოვალეობის შესასრულებლად განსაკუთრებული კატეგორიის მონაცემები მუშავდება შეზღუდული შესაძლებლობის მქონე პირთა და სპეციალური საგანმანათლებლო საჭიროების მქონე პირთა განათლების უფლების განხორციელების მიზნით; აწარმოებული დაცვის სისტემის მართვის მიზნებით

¹² მუშავდება კოლეჯის მნიშვნელოვანი ლეგიტიმური ინტერესის საფუძველით, არასრულწლოვანი კანდიდატის შემთხვევაში.

¹³ 17-27 წლის მამრობითი სქესის პირებისათვის.

¹⁴ პროფესიული მომზადება/გადამზადების პროგრამაზე ჩარიცხვის შემთხვევაში, თუ აღნიშნული მოთხოვნილია პროფესიული მომზადება/გადამზადების პროგრამის წინაპირობით.

¹⁵ წინმსწრები განათლების/მოხილობის შემთხვევაში გავლილი კრედიტების საქართველოს ფარგლებს გარეთ მიღების/მოპოვების შემთხვევაში.

¹⁶ მოხილობის წესით კოლეჯში ჩარიცხვის შემთხვევაში.

¹⁷ არასრულწლოვანი პირის შემთხვევაში.

¹⁸ მე-3 დონის პროფესიული საგანმანათლებლო პროგრამებზე ჩარიცხვის შემთხვევაში.

¹⁹ „პროფესიული განათლების მართვის საინფორმაციო სისტემის შექმნისა და ადმინისტრირების წესისა და პირობების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2021 წლის 17 თებერვალის

2	პროფესიულ საგანმანათლებლო პროფესიული სტუდენტის სტატუსის შეჩერება/შეწყვეტის/აღდგენის ეტაპი: პროგრამაზე/პროფესიული მომზადება-გადამზადების პროგრამაზე მსმენელის სტატუსის შეწყვეტის ეტაპი	სტუდენტის/მსმენელის სახელი, გვარი, პირადი ნომერი, პროგრამა სტატუსის შეჩერება/შეწყვეტის/აღდგენის მიმართ კანონმდებლობით/კოლეჯის წესდებით განსაზღვრული საფუძველი (პროფესიული სტუდენტის შემთხვევაში); სტატუსის შეწყვეტის მიმართ კანონმდებლობით/კოლეჯის წესდებით განსაზღვრული საფუძველი (მსმენელის შემთხვევაში)	საკანონმდებლო ვალდებულების შესრულება, საგანმანათლებლო მომსახურების გაწევა	მონაცემთა სუბიექტთან დადებული გარიგებით ნაკისრი ვალდებულების შესასრულებლად
				კოლეჯისათვის კანონმდებლობით დაკისრებული მოვალეობის შესასრულებლად
3	კოლეჯის ბაზაზე განხორციელებული სასწავლო პროცესი	პროფესიული სტუდენტი/მსმენელის: სახელი, გვარი, პირადი ნომერი, ხელმოწერა, პროგრამის/მოდულის/თემატიკის/სწავლის შედეგის სახელწოდება, შეფასება (განმავითარებელი და განმსაზღვრელი), შეფასების მტკიცებულება (ნამუშევარი).	პროფესიული სტუდენტისათვის/მსმენელისათვის პროგრამით განსაზღვრული ცოდნა, უნარებისა და კომპეტენციების მიცემა - მომსახურების გაწევის გზით	მონაცემთა სუბიექტთან დადებული გარიგებით ნაკისრი ვალდებულების შესასრულებლად
				კოლეჯისათვის კანონმდებლობით დაკისრებული მოვალეობის შესასრულებლად
				გამონაცემთა დამუშავება გათვალისწინებულია კანონით
				განსაკურებული კატეგორიის მონაცემთა დამუშავება ხორციელდება მონაცემთა სუბიექტის წერილობითი თანხმობის საფუძველზე
4	შეფასების ელექტრონული პლატფორმის გამოყენების ეტაპი	პროფესიული სტუდენტის სახელი, გვარი, ნამუშევარი (მტკიცებულება), შეფასება, მომხმარებლის ერთჯერადი უნიკალური კოდი, ავტორიზირებული თანამშრომლის მომხმარებლის სახელი და პაროლი მონაცემთა სუბიექტის მიერ პროგრამაზე წვდომის ფაქტი, დრო, IP მისამართი და განხორციელებული მოქმედება.	შეფასების პროცესის წარმართვა ტექნიკური საშუალებების გამოყენებით, აკადემიური კეთილსინდისიერების დაცვა.	მონაცემთა სუბიექტთან დადებული გარიგებით ნაკისრი ვალდებულების შესასრულებლად
				კოლეჯისათვის კანონმდებლობით დაკისრებული მოვალეობის შესრულება
				კოლეჯის მნიშვნელოვანი ლეგიტიმური ინტერესი
5	კოლეჯის მიერ შეთავაზებული საწარმოო პრაქტიკის ეტაპზე	პროფესიული სტუდენტი/მსმენელის: სახელი, გვარი, პირადი ნომერი, ხელმოწერა, პროგრამის/მოდულის სახელწოდება, ჯგუფის ნომერი, შეფასება (განმავითარებელი და განმსაზღვრელი), შეფასების მტკიცებულება (ნამუშევარი).	პროფესიული სტუდენტისათვის/მსმენელისათვის პროფესიული სტანდარტით/საგანმანათლებლო პროგრამით განსაზღვრული ცოდნა, უნარებისა და კომპეტენციების მიცემა (პრაქტიკული ნაწილი) - მომსახურების გაწევის გზით	მონაცემთა სუბიექტთან დადებული გარიგებით ნაკისრი ვალდებულების შესასრულებლად
				მონაცემთა დამუშავება გათვალისწინებულია კანონით
				კოლეჯისათვის კანონმდებლობით დაკისრებული მოვალეობის შესრულება

#11/5 ბრძანება, „პროფესიულ საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2021 წლის 2 ივლისის #42/5 ბრძანება.

6	დიპლომების, სერტიფიკატებისა და დანართების მომზადება, რეგისტრაცია, გაცემის ეტაპი	პროფესიული სტუდენტის/მსმენელის სახელი გვარი, პროგრამის დასახელება, კომისიის ოქმის ნომერი/ბრძანების ნომერი, თარიღი, დიპლომის/სერტიფიკატის ნომერი, მინიჭებული კვალიფიკაცია/დასრულებული პროგრამის სახელოწდება, დიპლომის/სერტიფიკატის შევსების თარიღი, გატანაზე პასუხისმგებელი პირის პირადი ნომერი, ხელმოწერა, საქართველოს კანონმდებლობით განსაზღვრული სხვა მონაცემები.	საკანონმდებლო ვალდებულების შესრულება	მონაცემთა დამუშავება გათვალისწინებულია კანონით
				კოლეჯისათვის კანონმდებლობით დაკისრებული მოვალეობის შესრულება
7	პროფესიული საგანმანათლებლო პროგრამების Microsoft Team-ის პლატფორმაზე დისტანციურად განხორციელების ეტაპი	თქვენი სახელი, გვარი, გამოსახულება, ხმა, ელ-ფოსტა, ზეპირი გამოვითხვის დროს პროფესიული სტუდენტის მიერ დაფიქსირებული ინფორმაცია.	სასწავლო პროცესის დისტანციურად განხორციელება კანონმდებლობით დადგენილი წესით	კოლეჯისათვის კანონმდებლობით დაკისრებული მოვალეობის შესრულება
				კოლეჯის მნიშვნელოვანი ლეგიტიმური ინტერესის დასაცავად
8	გარე ხარისხის უზრუნველყოფის პროცესში პროფესიული საგანმანათლებლო დაწესებულების ავტორიზაციის სტანდარტებით /მომზადება გადამზადების პროგრამების მიმართ დადგენილი სტანდარტებით განსაზღვრული მოთხოვნების დადასტურებისათვის მტკიცებულებების შეგროვების ეტაპი	ნებისმიერი მონაცემი, რომლის წარდგენის გარეშე, კოლეჯი ვერ უზრუნველყოფს პროფესიული საგანმანათლებლო დაწესებულების ავტორიზაციის სტანდარტები/მომზადება გადამზადების სტანდარტებით განსაზღვრული მოთხოვნების დადასტურებას.	საკანონმდებლო ვალდებულების შესრულება	კოლეჯისათვის კანონმდებლობით დაკისრებული მოვალეობის შესრულება
				კოლეჯის მნიშვნელოვანი ლეგიტიმური ინტერესი
9	ელექტრონული დოკუმენტბრუნვის სისტემა (e-flow)/კოლეჯის ინსტიტუციური ელ-ფოსტა	სახელი, გვარი, პირადი ნომერი, ხელმოწერა (არსებობის შემთხვევაში), მონაცემთა სუბიექტის მიერ კორესპონდენციაში მითითებული ინფორმაცია	კოლეჯის საქმისწარმოების/დოკუმენტბრუნვის პროცესის ეფექტურად წარმართვა, საკანონმდებლო ვალდებულების შესრულება	კოლეჯისათვის კანონმდებლობით დაკისრებული მოვალეობის შესრულება
				კოლეჯის მნიშვნელოვანი ლეგიტიმური ინტერესის დასაცავად
				განსაკუთრებული კატეგორიის მონაცემი - მონაცემთა სუბიექტის წერილობითი თანხმობა
10	საწარმოო პრაქტიკის ობიექტის წარმომადგენელთან (ინსტრუქტორთან) უკუკავშირის პროცესი	პროფესიული სტუდენტის/მსმენელის სახელი, გვარი, პრაქტიკის კომპონენტის განხორციელების შეფასება.	კოლეჯის პროგრამების პრაქტიკული კომპონენტის განხორციელების ეფექტიანობის შეფასება, საკანონმდებლო ვალდებულების შესრულება	კოლეჯისათვის კანონმდებლობით დაკისრებული მოვალეობის შესრულება
				კოლეჯის მნიშვნელოვანი ლეგიტიმური ინტერესი
11	ვიდეომეთვალყურეობა	მონაცემთა სუბიექტის ვიდეოგამოსახულება	მონაცემთა სუბიექტების უსაფრთხოებისა და საკუთრების დაცვის, კოლეჯისათვის კანონმდებლობით დაკისრებული მოვალეობის შესრულებისათვის, ასევე კოლეჯის სხვა ლეგიტიმური ინტერესის სფეროსთვის მიკუთვნებული ამოცანების შესრულებისათვის, რომელთა მიღწევა სხვა ალტერნატიული საშუალებებით ვერ	პერსონალურ მონაცემთა დაცვის შესახებ საქართველოს კანონის მე-10 მუხლი

			განხორციელება ან/და იგი კოლეჯისაგან მოითხოვს არაპროპორციულ ხარჯებს/ძალისხმევას,	
12	კოლეჯში დანერგილი შეფასების სისტემის შიდა ხარისხის უზრუნველყოფის პროცესი	პროფესიული სტუდენტის სახელი, გვარი, პროფესიული სტუდენტის შეფასების ინსტრუმენტი, პროფესიული სტუდენტის შეფასება, ხელმოწერა	კოლეჯის საქმიანობის ეფექტიანობის შეფასება, პროფესიული განათლების მასწავლებლის, სასწავლო პროცესის მართვის სამსახურის თანამშრომლების შეფასების ნაწილში პროგრამის განვითარების შეფასების მიზნით, საკანონმდებლო ვალდებულების შესრულება	კოლეჯისათვის კანონმდებლობით დაკისრებული მოვალეობის შესრულება კოლეჯის მნიშვნელოვანი ლეგიტიმური ინტერესი
13	კურსდამთავრებული კვლევის ეტაპი	ტელეფონის ნომერი, ელ-ფოსტა, სახელი, გვარი, კურსდამთავრებულის მიერ კოლეჯის პროგრამის შეფასება, გამოკითხვის პროცესში ნებაყოფლობით დაფიქსირებული სხვა მონაცემი, სამუშაო ადგილი/თვითდასაქმების /სტაჟირების ფაქტი, დასაქმების განგრძლივება, სამუშაო ადგილით კმაყოფილება, ინფორმაცია დაუსაქმებლობის მიზეზების შესახებ	კოლეჯის საქმიანობის ეფექტიანობის შეფასება, საკანონმდებლო ვალდებულების შესრულება	კოლეჯისათვის კანონმდებლობით დაკისრებული მოვალეობის შესრულება კოლეჯის მნიშვნელოვანი ლეგიტიმური ინტერესი მონაცემთა სუბიექტის თანხმობა
14	კოლეჯის ვებ/გვერდზე/სოციალურ ქსელში/საიმიჯო მასალებზე თქვენი პერსონალური მონაცემების განთავსების ეტაპი	თქვენი სახელი, გვარი, ფოტო, ვიდეო, სტატუსი, ინფორმაცია თქვენი მიღწევების შესახებ	კოლეჯის საქმიანობის პოპულარიზაციისა ან/და კოლეჯის საქმიანობის შესახებ საზოგადოების ინფორმირება	მონაცემთა სუბიექტის თანხმობა, კოლეჯის მნიშვნელოვანი ლეგიტიმური ინტერესი

მონაცემთა გადაცემა მესამე პირებისთვის

კოლეჯი თქვენს მონაცემებს მესამე პირებს გადასცემს თქვენი თანხმობის, საქართველოს კანონმდებლობით დამუშავებისთვის პასუხისმგებელი პირისთვის დაკისრებული მოვალეობის შესასრულებლად, ასევე კანონმდებლობით განსაზღვრული სხვა საფუძვლებით. კერძოდ:

- თქვენი მონაცემები, მათ შორის, გადაეცემა:
 - სსიპ - განათლების მართვის საინფორმაციო სისტემას;²⁰
 - სსიპ - განათლების ხარისხის განვითარების ეროვნულ ცენტრს;
 - პროფესიული საგანმანათლებლო დაწესებულებების ავტორიზაციის საბჭოს;
 - პროფესიული მომზადება-გადამზადების უფლების მიმნიჭებელი საბჭოს;
 - საწარმოო პრაქტიკის თანაგანმხორციელებელ ორგანიზაციას;
 - სსიპ - დასაქმების ხელშეწყობის სახელმწიფო სააგენტოს.
- კოლეჯი მონაცემების დამუშავების პროცესში სარგებლობს მესამე პირების მომსახურებით, მათთან გაფორმებული შესაბამისი ხელშეკრულებების საფუძველზე. აღნიშნულ ურთიერთობაში იურიდიული ან/და ფიზიკური პირები წარმოადგენენ დამუშავებაზე უფლებამოსილ პირებს, ხოლო კოლეჯი დამუშავებისთვის პასუხისმგებელ პირს. კონტრაქტორი პირების მიერ შესასრულებელი დავალების

²⁰ მათ შორის განსაკუთრებული კატეგორიის მონაცემები.

ხასიათის გათვალისწინებით, შესაბამისი მიზნობრივობითა და მოცულობით, მათ დაშვება გააჩნიათ/შესაძლოა მიენიჭოთ თქვენს მონაცემებზე წვდომა.

აღნიშნული პირები ვალდებული არიან დაიცვან „პერსონალურ მონაცემთა დაცვის შესახებ“ საქართველოს კანონი და უზრუნველყონ მონაცემთა უსაფრთხოება. აღნიშნულ პირებთან თანამშრომლობა ხდება მხოლოდ შესაბამისი წერილობითი შეთანხმების საფუძველზე, სადაც გათვალისწინებულია მონაცემთა დამუშავებისა და უსაფრთხოების საკითხები და მათ შორის ის, რომ დამუშავებაზე უფლებამოსილი პირი მონაცემებს ამუშავებს მხოლოდ კოლეჯის საქმიანობის მიზნებისთვის.

მონაცემთა შენახვა

თქვენი მონაცემები ინახება კანონმდებლობით დადგენილი ვადით:

- პროფესიული საგანმანათლებლო პროგრამის შეფასების მტკიცებულებები - უწყისის გაფორმებიდან - 3 წელი;
- პროფესიული მომზადება/გადამზადების პროგრამის შეფასების მტკიცებულებები - პროგრამის დასრულებიდან - 1 თვე;
- შეფასების უწყისები - 25 წელი;
- პროფესიული სტუდენტის/მსმენელის პირადი საქმე- 75 წელი;
- კურსდამთავრებული კვლევის პროცესში დამუშავებული მონაცემები - 4 წელი.

მონაცემთა შენახვასთან დაკავშირებით, კანონმდებლობით დადგენილი კონკრეტული ვადის არარსებობის შემთხვევაში, მონაცემები ინახება მხოლოდ იმ ვადით, რომელიც აუცილებელია მონაცემთა დამუშავების შესაბამისი ლეგიტიმური მიზნის მისაღწევად. იმ მიზნის მიღწევის შემდეგ, რომლისთვისაც მუშავდება მონაცემები, იშლება, ნადგურდება ან ინახება დეპერსონალიზებული ფორმით. ამასთან, თანხმობის საფუძველზე შეგროვებული თქვენი მონაცემი ინახება თქვენი თანხმობის გამოთხოვამდე.

მონაცემთა უსაფრთხოება

თქვენი მონაცემთა უსაფრთხოების უზრუნველსაყოფად მიღებულია შესაბამისი ორგანიზაციულ-ტექნიკური ზომები. კოლეჯის ელექტრონულ სისტემებში მონაცემებზე წვდომა შეზღუდულია იმ მომხმარებლებით, რომელთა უშუალო ფუნქცია-მოვალეობებში შედის მონაცემთა დამუშავება. მონაცემთა ბაზაში დაცულ მონაცემებზე წვდომა შესაძლებელია მხოლოდ სამსახურებრივი კომპიუტერებიდან, წვდომაზე უფლებამოსილ ყველა პირს აქვს საკუთარი, განპიროვნებული მომხმარებლის სახელი და პაროლი.

ელექტრონულ ბაზებში არსებული ყველა მონაცემის მიმართ განხორციელებული მოქმედება აღირიცხება (ლოგირების სისტემა).

მონაცემთა დამუშავებაზე უფლებამოსილ პირებთან გაფორმებული წერილობითი შეთანხმებები მოიცავს მონაცემთა უსაფრთხოებასთან დაკავშირებულ საკითხებს.

მატერიალური დოკუმენტები ინახება არავტორიზებულ პირთაგან დაცულ ადგილას და მასზე წვდომა მკაცრად შეზღუდულია.

ჩვენ ვერ ვიქნებით პასუხისმგებელი კიბერდამნაშავეებისა და სხვა დანაშაულებრივი ქმედებებით განპირობებული თქვენი პერსონალური მონაცემების სრულად ან ნაწილობრივ დაკარგვაზე.

მონაცემთა სუბიექტის უფლებები

თქვენ გაქვთ უფლება ნებისმიერ დროს, ყოველგვარი განმარტების ან დასაბუთების გარეშე გამოიხმოთ (გააუქმოთ) თქვენს მიერ გაცემული თანხმობა, რა დროსაც შეწყდება თქვენი თანხმობის საფუძველზე თქვენი მონაცემების დამუშავება, გარდა იმ შემთხვევებისა, როდესაც არსებობს „პერსონალურ მონაცემთა დაცვის შესახებ“ საქართველოს კანონით განსაზღვრული მონაცემთა დამუშავების საფუძველი.

თანხმობის გამოხმობა ხდება კოლეჯში შესაბამისი განცხადების (ზეპირი/წერილობითი) წარდგენის საფუძველზე.

თანხმობის გამოხმობამდე თქვენ უფლება გაქვთ კოლეჯის მოსთხოვთ ინფორმაცია თანხმობის გამოხმობის შესაძლო შედეგების შესახებ.

მონაცემთა სუბიექტს ასევე, უფლება აქვს „პერსონალურ მონაცემთა დაცვის შესახებ“ საქართველოს კანონის შესაბამისად და ამავე კანონით განსაზღვრულ შემთხვევებში, მიიღოს ინფორმაცია მისი მონაცემების დამუშავების შესახებ, მოითხოვოს მონაცემთა გაცნობა და ასლის მიღება, მოითხოვოს მონაცემთა განახლება, გასწორება ან შევსება, მოითხოვოს მონაცემთა დამუშავების შეწყვეტა ან მონაცემთა წაშლა თანხმობის გამოთხოვით, ასევე, მოითხოვოს მონაცემთა დაბლოკვა.

კოლეჯი უზრუნველყოფს რომ დაცული იყოს „პერსონალურ მონაცემთა დაცვის შესახებ“ საქართველოს კანონის III თავით განსაზღვრული უფლებები, თუ არ არსებობს მათი რეალიზების, ამავე კანონით გათვალისწინებული შემზღუდავი გარემოება.

თქვენი უფლებების რეალიზების მიზნით, ასევე თქვენი მონაცემების დამუშავებასთან დაკავშირებით ნებისმიერი სახის კონსულტაციის საჭიროებისას, გთხოვთ დაუკავშირდეთ კოლეჯის პერსონალურ მონაცემთა დაცვის ოფიცერს (იხ. დოკუმენტის ბოლო ნაწილი).

მონაცემთა სუბიექტების უფლებების შეზღუდვა

„პერსონალურ მონაცემთა დაცვის შესახებ“ საქართველოს კანონით გათვალისწინებული, მონაცემთა სუბიექტის უფლებები შეიძლება შეიზღუდოს, თუ ეს პირდაპირ არის გათვალისწინებული საქართველოს კანონმდებლობით, ამით არ ირღვევა ადამიანის ძირითადი უფლებები და თავისუფლებები, აუცილებელი და პროპორციული ზომაა დემოკრატიულ საზოგადოებაში და ამ უფლებების განხორციელებამ შეიძლება საფრთხე შეუქმნას:

- სახელმწიფო უსაფრთხოების, ინფორმაციული უსაფრთხოებისა და კიბერუსაფრთხოების ან/და თავდაცვის ინტერესებს;

- საზოგადოებრივი უსაფრთხოების ინტერესებს;
- დანაშაულის თავიდან აცილებას, დანაშაულის გამოძიებას, სისხლისსამართლებრივ დევნას, მართლმსაჯულების განხორციელებას, პატიმრობისა და თავისუფლების აღკვეთის აღსრულებას, არასაპატიმრო სასჯელთა აღსრულებას და პრობაციას, ოპერატიულ-სამძებრო საქმიანობას;
- ქვეყნისთვის მნიშვნელოვან ფინანსურ ან ეკონომიკურ (მათ შორის, მონეტარულ, საბიუჯეტო და საგადასახადო), საზოგადოებრივი ჯანმრთელობისა და სოციალური დაცვის საკითხებთან დაკავშირებულ ინტერესებს;
- მონაცემთა სუბიექტის მიერ პროფესიული, მათ შორის, რეგულირებადი პროფესიის, ეთიკის ნორმების დარღვევის გამოვლენას და მისთვის პასუხისმგებლობის დაკისრებას;
- მონაცემთა სუბიექტის ან/და სხვა პირების უფლებებსა და თავისუფლებებს, მათ შორის, გამოხატვის თავისუფლებას;
- სახელმწიფო, კომერციული, პროფესიული და კანონით გათვალისწინებული სხვა სახის საიდუმლოებების დაცვას;
- სამართლებრივი მოთხოვნის ან შესაგებლის დასაბუთებას.

მონაცემთა სუბიექტის უფლების შეზღუდვისათვის გათვალისწინებული ზომა შეიძლება გამოყენებულ იქნეს მხოლოდ იმ მოცულობით, რომელიც აუცილებელია შეზღუდვის მიზნის მისაღწევად. ამასთან, უფლების შეზღუდვის საფუძვლების არსებობისას, კოლეჯის გადაწყვეტილება მონაცემთა სუბიექტს ეცნობება იმგვარად, რომ ზიანი არ მიადგეს უფლების შეზღუდვის მიზანს.

პოლიტიკის განახლება

მონაცემთა დამუშავებასთან დაკავშირებული ცალკეული საკითხების ცვლილების შემთხვევაში, პოლიტიკა ექვემდებარება საჭიროებისამებრ განახლებას.

დაგვიკავშირდით

თუკი გაქვთ შეკითხვები წინამდებარე კონფიდენციალურობის პოლიტიკისა თუ პერსონალური მონაცემების დაცვის ჩვენებულ პრაქტიკასთან დაკავშირებით, გთხოვთ, დაგვიკავშირდეთ ელექტრონული ფოსტით მისამართზე:

კოლეჯის ელექტრონული ფოსტა: info.marneuliccollege@gmail.com

ტელეფონის ნომერი: 595 302390

კოლეჯის პერსონალურ მონაცემთა დაცვის ოფიცერი - შპს „მონაცემთა დაცვის გუნდი“

საკონტაქტო ინფორმაცია: info@dpt.ge